



Inatsisartuni Ilaasortaq Pele Broberg, Partii Naleraq
/maani

**Ilaatigut Avannaani angallanneq pillugu § 37 naapertorlugu apeqquteqaammut
2019-362-mut akissut**

03-01-2020
Suliaq nr.: 2019 - 27029
Id nr. 48454047

Asasara Pele,

Inatsisartut suleriaasianni § 37 naapertorlugu ilaatigut Avannaani angallanneq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

**1. Naalakkersuisut pilersaaruteqarpat avannaani angallatinik
attartuinissamik, sikunnginnerani angallannerup kipiluttunartoq
ikiorserniarlugu?**

Akissut:

Avannaq ullumikkut qulimiguulinnik timmisartunillu taamaallaat sullinneqarpoq. Anginerusumik umiarsualiineq siunertaq naapertorlugu naammassineqarsinnaassanersoq annertuumik qularnarmat, juullikkunni angallanneq oqilisaaffiginiarlugu Naalakkersuisut attartornikkut anginerusumik umiarsualiinissaminnik pilersaaruteqanngillat.

**2. Naalakkersuisut isumannaallisaaneq aallaavigalugu nunaqarfiit
angallannermi kiffartuussiveqarfinniittut kaperlannerani
tikinneqanngittarnertat piffissami sivisuumi iliuuseqarfigissamaarpaat?**

Akissut:

Kaperlannerani qulimiguulimmik angallassineq pitsaanerpaaffimmiisinniarlugu, nunap immikkoortortaani ingerlatsisut Naalakkersuisut ataavartumik suleqatigisarpai. Isumannaatsumik angallassinissaq pillugu, kaperlannerani timmisartuussineq pillugu malittarisassat suliarineqarput. Tassanngaannaq angallassinierit SAR-imillu ingerlatsinerit pineqartillugit, malittarisassat allat atuupput. Taamaattumik kaperlannerani timmisartuussineq pillugu malittarisassat innuttaasunut isumannaatsuutitsinissamat sunniuteqarnerata uparuarneqarnera Naalakkersuisut ilisarinnaanngilaat, kaperlanneranimi annerusumik isumannaatsuutitsinissaq malittarisassatigut anguniarneqarmat.

Inussiarnersumik inuulluaqqusillunga

Karl Frederik Danielsen